



BOSNA I HERCEGOVINA

БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTO 0021742 22  
Sarajevo, 09.10.2023.godine

SUD BOSNE I HERCEGOVINE  
- Sudiji za prethodno saslušanje –  
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m:

OPTUŽNICU

PROTIV:

1. Amanullah Ishakila, zvanog „Bokser“, [REDACTED] rodenog [REDACTED] 2001. godine u Afganistanu, [REDACTED] državljanina Afganistana, [REDACTED]  
[REDACTED]  
[REDACTED]

[REDACTED] Qais Khana, zvanog „Tigar“, [REDACTED] rodenog [REDACTED] 2001. godine u Ningahar, Afganistan, [REDACTED] državljanina Afganistana, [REDACTED]  
[REDACTED]  
[REDACTED]

[REDACTED]  
[REDACTED]  
[REDACTED]  
[REDACTED]  
[REDACTED]

Što su:

### **I Amanullah Ishakil, zvani „Bokser“ i Qais Khan, zvani „Tigar“ zajedno**

U vremenskom periodu tokom juna mjeseca 2021.godine, pa sve do 24.02.2022.godine, osumnjičeni zajedno sa njima poznatim licima, radi sticanja protivpravne imovinske koristi, nezakonito preveli veći broj migranata preko državne granice BiH prema Republici Hrvatskoj i dalje prema zemljama EU, postupajući protivno članu 6. Protokola protiv krijumčarenja migranata, kopnenim, morskim i vazdušnim putem kojim se dopunjuje Konvencija UN protiv transnacionalnog organiziranog kriminala („Službeni glasnik BiH“, broj: 3/02) i članu 7. stav 2. Zakona o Graničnoj kontroli („Službeni glasnik BiH“, broj: 53/09, 54/10 i 47/14), koristeći pri tome Hawala način primanja novca od migranata za uslugu nezakonitog prevođenja preko granice i zajedno djelujući iz migrantskog centra u Blažuju i objekta kuće [REDACTED] u [REDACTED] općina Orašje, u neposrednoj blizini graničnog prelaza Orašje, gdje su osumnjičeni **Amanullah Ishakil, zvani „Bokser“ i Qais Khan, zvani „Tigar“**, radi sticanja protupravne imovinske koristi u iznosima od 1500 EUR do 2000 EUR po migrantu, nalazili, a potom vršili prihvrat migranata radi njihovog daljnjeg prebacivanja preko granice BiH za zemlje EU, a koje je prevođenje bilo organizovano od strane osumnjičenih i to na način da su u kasnim večernjim satima prateći kamere [REDACTED] preko mobilnog aparata, nalazili kamione na parkiralištu kod graničnog prijelaza Orašje, a koji su čekali na prelaz granice iz BiH prema RH, te bi dovodili grupe migranata i pogodnim alatom otvarali vrata priključnih vozila i iste skrivali u tovarnom dijelu, kako bi migranti bez znanja vozača bili prevedeni ilegalno preko granice BiH i na taj način nezakonito preveli veći broj migranata iz BiH do Republike Hrvatske, da bi osumnjičeni Amanullah Ishakil, zvani „Bokser“ bio pronađen prilikom pretresa u migrantskom centru u Blažuju dana 26.01.2022.godine i predat u nadležnost Službe za poslove sa strancima, dok je Qais Khan, zvani „Tigar“ pronađen prilikom pretresa u Orašju dana 24.02.2022. godine i predat u nadležnost Službe za poslove sa strancima.

**Dakle**, s ciljem sticanja protivpravne imovinske koristi, nedozvoljeno preko državne granice preveli više migranata i pri tome ostvarili protivpravnu imovinsku korist u njima poznatom iznosu.

### **II Qais Khan, zvani „Tigar“ sam**

Dana 24.02.2022.godine, osumnjičeni **Qais Khan, zvani „Tigar“** radi sticanja protivpravne imovinske koristi, pokušao nezakonito prevesti grupu od četiri migranata i to: [REDACTED] [REDACTED], preko državne granice BiH prema Republici Hrvatskoj i dalje prema zemljama EU, postupajući protivno članu 6. Protokola protiv krijumčarenja migranata, kopnenim, morskim i vazdušnim putem kojim se dopunjuje Konvencija UN protiv transnacionalnog organiziranog kriminala („Službeni glasnik BiH“, broj: 3/02) i članu 7. stav 2. Zakona o Graničnoj kontroli („Službeni glasnik BiH“, broj: 53/09, 54/10 i 47/14), tako što je organizovao prihvrat istih u kući [REDACTED] u [REDACTED] općina Orašje u neposrednoj blizini graničnog prelaza Orašje, te je pratio pogodne kamione koji su



čekali na prelaz granice kako bi u iste neopaženo ubacio migrante radi njihovog nezakonitog prevođenja preko granice, i isti su bili spremni za polazak do kamiona koje bi otvarao osumnjičeni Qais Khan, zvani „Tigar“, da bi isti bio spriječen u pokušaju nezakonitog prevođenja migranata od strane policijskih službenika, koji su izvršili pretres kuće dana 24.02.2022. godine i zatekli osumnjičenog i četiri migranta koji su bili spremni da budu prokrijumčareni i to: [REDACTED] preko državne granice BiH, da bi osumnjičeni bio predat u nadležnost Službe za poslove sa strancima.

**Dakle**, s ciljem sticanja protivpravne imovinske koristi, nedozvoljeno preko državne granice pokušao prevesti četiri migranta među kojima i maloljetnike.

### **III Amanullah Ishakil, zvani „Bokser“ i Qais Khan, zvani „Tigar“ zajedno**

Tokom decembra mjeseca 2021. godine, u objektu kuće [REDACTED] u [REDACTED] općina Orašje, u neposrednoj blizini graničnog prelaza Orašje, osumnjičeni **Amanullah Ishakil, zvani „Bokser“ i Qais Khan, zvani „Tigar“**, koristeći silu i prijetnju nasiljem i hladnim oružjem i pištoljem, iskoristivši činjenicu da se radi o mladb. licima migrantima, stanje njihove bespomoćnosti, obmanjujući ih i dovodeći ih u zabludu da će ih prevesti nezakonito preko granice i prebaciti za zemlje EU, iste vrbovali u svrhu seksualnog iskorištavanja mladb.lica, poduzimajući radnje suprotne Konvenciji protiv transnacionalnog organizovanog kriminala i Protokolu za sprečavanje, zaustavljanje i kažnjavanje trgovine ljudima, naročito ženama i djecom („Službeni glasnik BiH“, broj: 3/02), tako što su osumnjičeni, vrbovali mladb. migranta [REDACTED] radi seksualnog iskorištavanja, a potom istog seksualno iskorištavali u više navrata, ograničavali mu kretanje, na način da su ga u kasnim večernjim satima u prostorijama objekta fizički tukli i prijetili, a potom silovali i seksualno zlostavljali više dana i isti čin snimali na telefon, pri tome mu prijeteći da će ga ubiti i da će ukoliko pobjegne snimak podijeliti sa drugima, na taj način uspostavili kontrolu nad istim sve radi njegovog seksualnog iskorištavanja i daljnjeg zlostavljanja, tokom boravka držali ga zaključanog u prostorijama kuće, da bi prilikom odlaska u Sarajevo u kamp Blažuj, [REDACTED] uspio pobjeći i prijaviti službi kampa da ga zlostavljaju, nakon čega je osumnjičeni Amanullah Ishakil, zvani „Bokser“ pronađen prilikom pretresa u migrantskom centru u Blažuju dana 26.01.2022.godine i predat u nadležnost Službe za poslove sa stranicima, dok je Qais Khan, zvani „Tigar“ pronađen prilikom pretresa u Orašju dana 24.02.2022.godine i predat u nadležnost Službe za poslove sa strancima.

**Dakle**, radi seksualnog iskorištavanja vrbovali osobu stranog državljanina koja nije navršila 18 godina, uz upotrebu sile i prijetnje te iskorištavajuće njegovo stanje bespomoćnosti.

#### **Čime su:**

- a) Radnjama pod tačkom I osumnjičeni Amanullah Ishakil i Qais Khan počinili krivično djelo Krijumčarenje ljudi iz člana 189.stav 1. KZ BiH, u vezi sa članom članom 29. istog Zakona;
- b) Radnjama pod tačkom II osumnjičeni Qais Khan počinio krivično djelo Krijumčarenje ljudi iz člana 189. stav 4. KZ BiH u vezi sa stavom 1. i sve u vezi sa članom 26. istog Zakona;

- c) Radnjama pod tačkom III osumnjičeni Amanullah Ishakil i Qais Khan počinili Krivično djelo Međunarodna trgovina ljudima iz člana 186. stav 2. u vezi sa stavom 1. KZ BiH i sve u vezi sa članom 29. istog Zakona.

**T U Ž I L A C**  
**TUŽILAŠTVA-TUŽITELJSTVA BiH**